

**BOSNA I HERCEGOVINA
FEDERACIJA BOSNE I HERCEGOVINE
UNSKO SANSKI KANTON
OPĆINA BOSANSKA KRUPA**

**JEDINSTVENI OPĆINSKI ORGAN UPRAVE
OPĆINE BOSANSKA KRUPA**

Broj:01-11-7-8669/21
Bosanska Krupa, 10.11.2021.godine

Na osnovu člana 8. Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije Bosne i Hercegovine“, broj:12/03, 34/03 i 65/13), člana 3. Odluke o utvrđivanju standarda i kriterija za imenovanje na upražnjene pozicije u reguliranim tijelima Općine Bosanska Krupa („Službeni glasnik općine Bosanska Krupa,“ broj:12/09) i člana 55. Pravila Javne ustanove „Centar za socijalni rad“ Bosanska Krupa („Službeni glasnik“, broj: 2/18), Općinski načelnik Općine Bosanska Krupa, objavljuje:

JAVNI OGLAS

za izbor i imenovanje na poziciju predsjednika i članova upravnog odbora javne ustanove kojoj je
Općina Bosanska Krupa osnivač

I

Objavljuje se Javni oglas za izbor i imenovanje na poziciju predsjednika i članova upravnog odbora Javne ustanove „Centar za socijalni rad“ Bosanska Krupa

01. Upravni odbor JU „Centar za socijalni rad“ Bosanska Krupa:

- članovi /iz reda stručnih radnika zaposlenika u JU “Centar za socijalni rad“
Bosanska Krupa/.....2
- članovi /iz reda građana/.....3

II

Opći uslovi

- da je stariji od 18 godina,
- da je državljanin Bosne i Hercegovine,
- da je zdravstveno sposoban,
- da nisu otpušteni iz državne službe kao rezultat disciplinske mjere na bilo kojem nivou u BiH u periodu od tri godine prije dana objavljivanja upražnjene pozicije;
- da nisu pod optužbom Međunarodnog suda za ratne zločine (član IX Ustava BiH);
- da nisu osuđivani za krivično djelo i privredni prestup nespojive sa dužnošću u reguliranom organu pet godina od pravosnažnosti presude, isključujući vrijeme zatvorske kazne;
- da im odlukom suda nije zabranjeno obavljanje aktivnosti na poziciji na koju su se kandidirali;
- da nisu stariji od 70 godina;
- da nisu na funkciji u političkoj stranci u smislu člana 5. Zakona o ministarskim, vladinim i drugim imenovanjima;
- da nisu članovi zakonodavne, izvršne i sudske vlasti, prema odredbama Zakona o sukobu interesa u organima vlasti u FBiH ("Službene novine FBiH", broj 70/08);
- da nemaju privatni ili finansijski interes u reguliranom tijelu u koje se kandidiraju.

Posebni uslovi

- najmanje VI stepen školske spreme društvenog, socijalnog ili tehničkog smjera
- radno iskustvo u trajanju od najmanje tri (3) godine,

Prilikom procjene kvalifikacija i iskustava svih kandidata uzet će se u obzir i slijedeće:

- sposobnost za savjesno, odlučno i odgovorno obavljanje pozicije,
- sposobnost nepristrasnog donošenja odluka;
- komunikacijske i organizacione sposobnosti;
- rezultati rada ostvareni u dosadašnjem radu;
- naklonjenost timskom radu.

III

Opis pozicije:

Upravni odbor obavlja slijedeće poslove:

donosi pravila Centra uz saglasnost osnivača, imenuje i razrješava direktora Centra, imenuje vršioca dužnosti direktora Centra, utvrđuje plan rada i razvoja Centra, utvrđuje godišnji program rada Centra, usvaja finansijski plan i godišnji obračun, donosi finansijski plan i usvaja godišnji obračun, donosi opći akt o unutrašnjoj organizaciji i sistematizaciji poslova i druge opće akte u skladu sa zakonom i pravilima Centra uz saglasnost Osnivača, donosi i druga akta potrebna za rad Centra, usmjerava, kontroliše i ocjenjuje rad direktora, rješava sva pitanja odnosa između Centra i Osnivača, odlučuje o korištenju sredstava Centra preko iznosa limitiranog zakonom i drugim propisima, odgovara osnivaču za rezultate rada Centra, odlučuje o prigovorima radnika na rješenje direktora o pravima, obavezama i odgovornostima radnika Centra, podnosi osnivaču izvještaj o poslovanju Centra najmanje jednom godišnje, vrši i druge poslove u skladu sa zakonom i Pravilima Centra, podnosi prijedloge izmjena i dopuna akata koja reguliraju rad Centra putem izvršnog organa Općine kao predlagača.

IV

Potrebni dokumenti

Potrebni dokumenti (original ili ovjerena kopija) ne stariji od tri mjeseca

- a) prijava na javni oglas sa biografijom (naznačiti adresu i kontakt telefon),
- b) izvod iz matične knjige rođenih,
- c) uvjerenje o državljanstvu,
- d) ljekarsko uvjerenje,
- e) ovjerena izjava kandidata da u posljednje tri godine od dana objavljivanja javnog oglasa nije otpušten iz organa državne službe kao rezultat disciplinske kazne na bilo kojem nivou vlasti u Bosni i Hercegovini,
- f) ovjerena izjava kandidata da nije pod tužbom Međunarodnog suda za ratne zločine (člana IX 1. Ustava Bosne i Hercegovine)
- g) uvjerenje da kandidat nije osuđivan za krivično djelo ili privredni prestup nespojive sa dužnošću u reguliranom organu pet godina od pravosnažnosti presude, isključujući vrijeme zatvorske kazne,
- h) uvjerenje nadležnog suda da kandidatu nije zabranjeno obavljanje aktivnosti na upražnjenim pozicijama,
- a) ovjerena izjava da nije na funkciji u političkoj stranci u smislu člana 5. Zakona o ministarskim, vladinim i drugim imenovanjima,
- a) ovjerena izjava da nije član zakonodavne, izvršne i sudske vlasti, prema odredbama Zakona o sukobu interesa u organima vlasti u FBiH ("Službene novine FBiH", broj 70/08)
- b) ovjerena izjava da nema privatni ili finansijski interes u reguliranom tijelu u koje se kandidiraju,
- c) ovjerena kopija diploma,
- d) dokaz o radnom iskustvu.

Javni oglas ostaje otvoren 14 dana od dana objavljivanja u „Službenim novinama Federacije Bosne i Hercegovine“, dnevnim novinama „Dnevni list“, web stranici Općine.

Rok za podnošenje prijave računa se prema datumu objave oglasa u Službenim novinama FBiH.

U prijavi kandidati su dužni naznačiti kategoriju ispred koje se prijavljuju (iz reda stručnih radnika zaposlenika JU ili građana).

Potrebne dokumente dostaviti putem pošte ili lično u pisarnicu Općine Bosanska Krupa na adresu:

**Općina Bosanska Krupa Komisija za izbor
Terzića bb, 77 240 Bosanska Krupa
sa naznakom za**

„Javni oglas za izbor i imenovanje na poziciju predsjednika i članova upravnog odbora
JU „Centar za socijalni rad“ Bosanska Krupa" - NE OTVARAJ

Nepotpune i neblagovremene prijave neće se uzimati u razmatranje.

Obrađivač
Elmedina Kavazović
Čamka Bešić

OPĆINSKI NAČELNIK
Armin Halitović

Dostaviti:

1. „Službene novine FBiH“,
2. Dnevne novine „Dnevni list“,
3. Radio Bosanska Krupa,
4. Za objavu na web stranici Općine,
5. Oglasne ploče Općine,
6. U spis,
7. a/a.